

附錄四: 大料崁沿革誌

大料崁沿革誌 明治四十二年二月調 廖希珍 撰

大料崁一帶地方，東連內山，西隔桃澗。在昔爲生蕃棲止之地，固無疑也；但自草味既開，

而後事少筆傳，情難臆斷。茲就父老所傳聞者，而誌之，以待參考（大料崁本名大姑陷，至同治年間舉人李騰芳改爲大料崁，至光緒十三年臺灣巡撫劉銘傳又改爲大料崁）。

乾隆二十餘年之頃（至今百四十餘年），有粵人謝秀川與賴基郎二人爲霄、崙二社熟蕃土目之管事，出而招佃開墾，一時自石墩庄以至內柵庄等處，有漳、粵二種之人邱姓、廖姓，

以及古、張、戴、倪等姓，分段著手漸次開拓，至今石墩庄與田心庄二處尙有福德廟，是其佃人當日興工所立之遺蹟也；至於缺仔庄以至粟仔園庄，則係漳人蕭朝宣、于前乾隆二十三年之頃，先爲著手也。

嘉慶十五年（至今九十九年），粵人朱觀鳳著手開墾三層庄，是時大料崁尙未有市街；先有店屋者，只上街陳漳合，下街江全興二、三號而已。

全十八年，漳人十八份公于崁之西北隅，建築陳聖王廟，即今福仁宮是也。

全年粵人鍾房緒頗知山水形勝，于醮寮埔之西南小阜，鳩金建築觀音寺，即今蓮座山是也。

全二十年之頃，三層二層仔庄，粵人戴有章進文學。又數年之頃，月眉庄全邱攀桂進文學，

之二人者，即開崁始有之文人也。

道光八、九年之頃（至今八十年），上田心庄之西南，粵人圍有石牆，中蓋茅屋數十間，名曰醮寮埔庄，即當時粵人建醮築壇之處，因以爲名也。

全十年，朱觀鳳之子聰英，將三層庄之墾賣于十大股，即今三層庄陳集成是也。

全十二年，內柵庄頂崁漳人建築玄壇廟，即今仁安宮是也。

全二十三年，林本源于崁街上下中間建築通議第，即今守備隊駐兵之處也。

全二十五年之頃，林本源於草店尾崁邊，出金建築大眾廟。

全年粵人何朝祥開墾新舊溪州庄。

全二十六年泉人陳姓開墾烏塗窟庄；是時大料崁戶口頻增，店屋亦因加築，始見有上下兩街耳。

全三十年新竹縣參戎李華遠巡視崁地，至蓮座山，有題佳句曰「萬年福地、一品名山」至今

鑄在門前石柱，是其古蹟也。

咸豐三年（至今五十八年），漳泉分類械鬥，崁地頗爲驚惶。

全七年，何朝祥將新舊溪洲庄之墾賣于林本源，是時漳人之徙居崁地者漸多。

同十一年，月眉庄漳人李騰芳由捐軍書進文學。

同治三年（至今四十五年），李騰芳中福建省舉人。

全四年，士林廩生潘永清集股開墾湍仔溝等處。

全七年，田心庄黃新興招佃開墾水流東，並整腦灶至二三千份；是時崁市漸爲熱鬧，而下街

西北附近，遂加築茅屋數百間，即今后尾街與草店尾街是也；是時新街南畔之店屋，亦加築

成列耳。

全年泉人黃安邦承辦烏塗窟墾務，大興茶業。

全八年，田心庄黃宗翰進文學。

全十年，全黃令成、黃希文、黃松年兄弟同進武學。

全十三年月眉庄李應宗進武學。

光緒元年（至今三十五年），黃希文中福建省武舉；是年上街西畔之店屋，亦加築成列耳。

全二年，黃令成中福建省武舉。

全三年，田心庄黃令春與黃希隆兄弟全進武學；

全年下街江國輝亦進武學。

全四年，田心庄李永源承辦南仔溝墾務。

全七年，因生蕃屢出肆擾，各佃人盡爲退出；

全年水流東支持不住，各佃人亦盡退出。全十一年，上街廖希珍進文學。

全十二年冬，臺灣巡撫劉銘傳親統大軍十餘營，勦撫內山一帶生蕃，是時生蕃畏服，上至馬

武督五指山，下至雙溪屈尺等處，陸續歸化者數百社，于是准民間開墾、製腦、做木料、燒

炭等項，而各處商行爭集營利者實繁，有徒炭市，因大起色；

全年坎街開設撫墾總局，以便生蕃到地歸化。

全十三年，劉巡撫奏請林維源幫辦撫墾事務。

全十四年，坎街復設有蕃童塾，以便化蕃送子姪入學。

全十五年，內山各社生蕃尚未盡歸化、特命澎湖總兵吳宏祿，親統大軍二十餘營，到內山勦

撫，是時各社一律告平，而文職武員，由出力保舉昇官者，實不乏人。

全十七年，各化蕃突然反抗，又命道臺林朝棟，親統大軍二十餘營，到內山討伐，于是各蕃

復漸次歸化。是年，坎街加設蕃市局，以爲各蕃交換。

全年，坎民于上街之西南，加築店屋七八十間，名曰新南街。

全十八年，舊政府于新南街之西北，建築昭忠祠，即今曹洞宗布教所是也。

全年，新南街呂鷹揚進文學，下街廖運藩進武學。

全十九年，大料坎開設南雅廳，遂將撫墾總局裁撤，所有事務概歸南雅廳辦理。

全年，福仁宮後進加築天后宮。

全二十年，南雅廳派員于新南街開設保甲總局。

全年，南雅廳長宋維釗召集當地紳耆，商議建築廳舍于田心庄。

全年，呂鷹揚補廩膳生。

全二十一年，南雅廳長同當地官紳，于昭忠祠行春祭。

明治二十八年四月臺灣讓歸 帝國，五月間，大料坎地方紛亂，匪類蜂起，我 政府派遣

軍

隊討伐，是時，匪類逃散，居民被累頗多。

全年，守備隊二大隊駐紮於崁街上下等處，憲兵司令官駐紮於新南街，憲兵屯所開設於下街，

衛戍病院開設於福仁宮。

全年冬，警察出張所開設於上街李金興內，旋又移轉於新南街。

全二十九年，臺北縣出張所以及郵便局，俱開設於新南街。

全三十年，三角湧辦務署大料崁支署開設於新南街。

全年四月二十九日，呂鷹揚、邱光祚、黃希隆、李賡颺四人紳章受領。

全年，呂鷹揚任辦務署參事，呂建邦任大料崁事務取扱。

全年，公醫館開設於新南街。

全年，十一月六日，臺北國語傳習所大料崁分教場開設於新南街。

全三十一年十月，國語傳習所改為公學校。

全三十二年一月，呂建邦紳章受領。

全年，大料崁保甲局開設於新南街。

全年冬，大料崁事務取扱改街庄區長。

全年頃，大東開墾於湍仔溝；大西整設腦灶於詩朗、五?等處；小松組商行整設腦灶於竹頭角、

九爪坪、加輝等處：崁地由是繁昌。

同三十三年二月八日，廖希珍、王式璋二人紳章受領。

全年冬，大料崁土地調查施行。

全年，三角湧辦務署移轉於大料崁新南街。

全年，於上街西南建築辦務署。

全三十四年二月，大料崁辦務署舉行落成式。

全年九月之頃，于上街之東建築大料崁公學校。

全年，內山一帶設隘，嚴固封鎖。同年十月，大料崁辦務署廢止，改為支廳。

全三十五年一月，江次德紳章受領。

全四月，大料崁公學校舉行落成式。

全三十六年十月二十六日，桃崁輕便鐵道開通。全三十七年，大料崁各處道路建築。

全三十八年冬，大料崁福仁宮祈安建醮。

全年，于草店尾街之西北建築普濟堂，

全年，大料崁渡船場改為義渡。

全三十九年，大料崁隘線前進至阿姆坪。

全年，崁街附近道旁各栽樹木。

全四十年一月，江健臣紳章受領。

全年五月，隘線前進至夾板山、合?等處。

全年七月，大料崁守備隊調回。

全九月，憲兵隊亦調回。

全十月，蕃匪反抗，政府調集各警察隊大為討伐。

全十二月，守備隊復調紮大料崁。

全月，蓮座山慶成建醮。

全四十一年一月，各隘線一律完成。

全年二月，憲兵分遣所復再駐于新南街。

全年，三井會社開墾于水流東、湳仔溝等處。

全年二月，學務委員呂鷹揚、王式璋、黃丙南、呂建邦、黃玉麟、江健臣等、亦各出資本，

開墾阿姆坪，以為將來大料崁公學校基本財產。

（此份資料系由地方耆老簡瑞仁先生提供本調查活動）

大溪鎮老城區歷史資源調查計劃-人文